

¡BOMBA!

Esto es cosa del destino,
pero también de costumbre;
hay quien se atasca de lumbre
y echa la culpa al vecino



K'untzil

Jueves 24 ti' septiembre ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2817 · www.lajornadamaya.mx

Xchinail ch'úupal de 6 u ja'abile', tu jets'aj túumben récord ti' ko'olel maas séeb u tsolik cubo Rubik

Juntuul xch'úupal ti' u kaajil China de 6 u ja'abile', tu jets'aj túumben récord ichil tuláakal yóok'ol kaab tumen béeychaj u tsolik tu beel u cubosil Rubik úuchik u xáantal chéen jump'iit maanal kamp'éel segundos ti' lalaj jump'éel cuboi'.

Lian Yunzhi u k'aaba' xch'úupal béeykuns túumben récord ti'al u káajbal le winala' úuchik u je'elsik reloj ka tu chukaj 4.52 segundos, ti' jump'éel keet certificarta'an tumen World Cube Association tu noj

kaajil Wuhan, tu chúumuk China. Tu piitmáansaj récord ts'o'okili' u yáax jets'ik de 4.27 segundos ti' uláak' jump'éel prueba tu beetaj tu kaajil Guangzhou, beey úuchik u ya'alik u canalil CCTV le lunes maanika'. Chéen leti' u xch'uupil speedcuber ts'o'ok béeykunsik u promedio yáanal ti' 4.5 segundos, a'alabij.

Múuch'kabile' tu chíimpoltaj tu páginail web Lian beey máax beetmaj u récord xch'uupo'ob ikil

u tso'olol u cuboil 3x3x3.

Yéetel u chak ba'alil u poole', chíika'an Liane' tu jach jets'aj u tuukul ti'al u séeb péeksik u k'abo'ob ti'al u beetik u noj keet úuch tu kaajil Wuhan. Che'ejnaj yéetel papaxk'a'abnaj ka'aj ts'o'ok u yáax beetik cubo tu jo'olaj chéen 3.54 segundos.

Ichil ba'ax a'alab tumen CCTV, Liane' tu yáax resolvertaj jump'éel u cuboil Rubik ka'alikil 4 u ja'abil; te'el k'inako'obe' ku xáantal 90

segundos. Ka káaje' ku binetik jump'iit confianza ti'al u béeytal u ketikubáaj, ba'ale' tu ts'áaj u yóol ka káaj u yilik bix u bin u séebtal u beetik. Beey úuchik u maas jach ts'áak u yóol ti'al u entrenar maas ya'ab, tu ya'alaj.

CCTV tu ya'alaj Liane', maanal mil 300 u p'éel fórmulas u yojel ti'al u tsolik cubo, ts'o'oke' ku k'a'abéetkunsik kex ichil ka'ap'éel yéetel óoxp'éel horas sáansamal ti'al entrenar.

Ts'íib yéetel oochel Ap

